

LUTRIJA BOSNE I HERCEGOVINE d.o.o.
NADZORNI ODBOR

Na osnovu člana 22. Zakona o igrama na sreću ("Sl. novine FBiH", broj 48/15 i 60/15) i člana 22. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), Nadzorni odbor Lutrije Bosne i Hercegovine na sjednici održanoj dana 22.12.2015. godine, donio je

PRAVILA IGRE „RULET“

Član 1.

Ovim Pravilima reguliše se način učestvovanja u igri „RULET“, (u daljem tekstu: igra), tok i završetak igre, utvrđivanje rezultata igre, te druga pitanja u vezi sa igrom.

Član 2.

Učesnik u igri (u daljem tekstu:igrač) igra protiv Kasino kluba Lutrije BiH (u daljem tekstu: klub).

Član 3.

Igra se organizuje na rulet stolovima.

Važni dijelovi stola za igru su cilindar, kugla, polje za stavljanje uloga i žetoni za igru.

Žetoni za igru su podjeljeni u sedam različitih boja, nisu naplativi na kasi i mogu se koristiti isključivo na rulet stolu na kojem su kupljeni.

Osnovna vrijednost jednog žetona boje je 1,00 KM koju igrač, po ličnom izboru, može promijeniti u 5,00 KM ili 10,00 KM.

Član 4.

Igrač učestvuje u igri tako što svoje uloge, žetone, stavi na polje za uloge i to na jedan ili više brojeva od 0 do 36 (unutrašnji ulog) ili na jednu ili više kombinacija navedenih brojeva (vanjski ulog).

Moguće kombinacije iz prethodnog stava utvrđene su u članu 10. ovih pravila.

Član 5.

U toku igre igrači su dužni pridržavati se dozvoljenog minimuma i maksimuma. Svi ulogi ispod minimuma i preko maksimuma vraćaju se igračima.

Minimum i maksimum iz prethodnog stava posebnom pismenom odlukom utvrđuje direktor Lutrije BiH.

Utvrđeni limiti se moraju na odgovarajući način vidno istaći na svakom stolu za igru.

Član 6.

Igrač može istovremeno koristiti vrijednosne žetone za igru na vanjske uloge i žetone samo jedne boje za igru na unutrašnje uloge.

Igrači bez žetona boje vrijednosnim žetonima mogu igrati samo vanjske uloge.

Svaki igrač je odgovoran za svoje uloge i njihovo pravilno postavljanje. Žetone boje igrač ne smije prenositi sa jednog stola na drugi.

Nakon završetka igre igrač je dužan zamijeniti sve žetone boje, u skladu sa vrijednošću, za vrijednosne žetone.

Sve naknadne promjene žetona boje biće izvršene po minimalnoj vrijednosti na stolu.

Član 7.

Krupije počinje igru pozivom igračima „VAŠE ULOGE MOLIM“, zatim rukom zavrti točak cilindra u jednom, a kuglu u suprotnom smjeru.

Svaki sljedeći spin zahtjeva promjenu smjera okretanja cilindra i kugle.

Dok se kugla vrti unutar cilindra, krupije u trenutku koji sam procijeni obavještava igrače „ULAGANJE JE ZAVRŠENO“. Ovo obavještenje krupije popratit će pokretom ruke iznad uloga.

Ulozi stavljeni poslije tog obavještenja ne učestvuju u igri i vraćaju se igračima koji su ih postavili.

Krupije je dužan postaviti pravovremeno najavljene uloge onih igrača koji to nisu u mogućnosti sami da učine.

Pri svakoj promjeni novca ili vrijednosnih žetona krupije je dužan glasno najaviti promjenu i osigurati uvid inspektora stola u obavljenju radnju.

Član 8.

Ukoliko kugla napravi manje od 5 krugova, ispadne iz cilindra ili obrtanje cilindra i kugle bude ometano, spin se proglašava nevažećim, kugla se vraća u polje u kojem se zaustavila u prethodnoj igri i ponavlja se postupak iz člana 7.

Samo krupije ili inspektor stola mogu proglasiti spin nevažećim.

Rukovati kuglom i cilindrom može isključivo krupije.

U prostoru iznad i oko cilindra nisu dozvoljene nikakve radnje koje mogu ometati rad cilindra i obrtanje kugle.

Član 9.

Kada kugla, nakon ispravnog bacanja, padne u točak cilindra i zaustavi se u nekom od polja sa brojevima, krupije glasno saopštava dobitni broj i boju.

Krupije obilježava dobitni broj nakon čega čisti sto kupeći gubitne, a ostavljajući dobitne kombinacije.

Krupije isplatu vrši u skladu sa članom 10. ovih Pravila, tako što prvo plaća vanjske uloge počevši od kolone, preko jednostavnih šansi i na kraju dozine.

Isplatu unutrašnjih uloga krupije vrši počevši od žetona boje koji sadrže sestinu, zatim boje koja sadrži kare, tercinu itd. Isplata se vrši u žetonima boje i/ili vrijednosnim žetonima.

Sve dok svi dobici nisu isplaćeni, nije dozvoljeno dodirivati žetone na dobitnim poljima ili ih tamo dodavati.

Član 10.

Naziv, opis i omjer isplate unutrašnjih uloga su sljedeći:

- a) PLEN - pun broj od 0 do 36-----
35 za 1
- b) ŠEVAL - dva broja-----
17 za 1
- c) TERCINA - tri broja-----
11 za 1
- d) KARE - četiri broja-----
8 za 1
- e) SESTINA - šest brojeva-----
5 za 1

Naziv, opis i omjer isplate vanjskih uloga su sljedeći:

- a) DOZINA - prvih, drugih i trećih dvanaest brojeva-----
-
2 za 1
- b) KOLONA - prva, druga i treća kolona od dvanaest brojeva-----
-
2 za 1
- c) JEDNOSTAVNE ŠANSE - 1-18; par; crveno; crno; nepar; 19-36-----
-
1 za 1

Kada je dobitni broj **0** svi vanjski ulozi gube.

Član 11.

Igrači mogu igrati najavu sljedećih kombinacija:

- a) *MALA SERIJA: minimum 6 žetona
ševal 5/8, 10/11, 13/16, 23/24, 27/30, 33/36,
- b) *VELIKA SERIJA: minimum 9 žetona
dvije tercine 0/2/3, ševal 4/7, 12/15, 18/21, 19/22, 32/35 i dva karea 25/29,
- c) *ORFANELI: minimum 5 žetona
plen 1, ševal 6/9, 14/17, 17/20, 31/34,
- d) *ZERO-ŠPIL: minimum 4 žetona
ševal 0/3, 12/15, 32/35 i plen 26,
- e) *LATERALI BROJA 2/2: minimum 5 žetona,

Krupije je dužan sve najave glasno ponoviti, postaviti na za to označeno mjesto (gusjenica), te dobitne najave postaviti prije čišćenja stola.

Član 12.

Sve sporne situacije rješavaju inspektori, a u slučaju potrebe šef kluba ili njegov zamjenik.

Verbalne žalbe moraju biti odmah prenesene menadžmentu kluba.

Pisane žalbe se mogu podnijeti u roku od 24 sata. U žalbi je potrebno navesti ime i prezime, adresu stanovanja, vrstu igre, vrijeme i opis situacije u kojoj se desio problem.

Sve žalbe će biti rješene nakon pregleda video zapisa i u skladu sa relevantnim zakonskim propisima. Jednom donešena odluka je konačna.

Član 13.

Ova pravila čine sastavni dio Pravilnika o radu Kasino kluba Lutrije BiH, te se moraju na odgovarajući način učiniti dostupnim igračima i radnicima u Kasino klubu.

Član 14.

U pogledu načina izmjena i dopuna, te stupanja na snagu i primjene ovih pravila, postupiće se u skladu sa odredbama Pravilnika o radu Kasino kluba Lutrije BiH.

Član 15.

Stupanjem na snagu ovih Pravila prestaju da važe Pravila igre „RULET“ broj: 01-287-15VS-2/10 od 16.02.2010.godine.

Član 16.

Ova pravila stupaju na snagu danom donošenja, a primjenjivat će se prvog narednog dana od dana objavljivanja istih u jednoj od dnevnih novina.

Broj: 01-57-2308-11/15
Dana: 22.12.2015. godine

P R E D S J E D N I K

Miroslav Ćorić, s.r.